



Ek het jou mooi gemaak

Om *Blitsposte* ontvang, stuur 'n e-pos na bladuitleg@nhk.co.za of grafies@nhk.co.za en versoek dat u naam op die versendingslys geplaas word

Nuus, berigte en kort kommentaar (uiters 100 woorde) aan taal@nhk.co.za

Webblad van die Hervormde Kerk www.nhka.org

Die redaksie aanvaar verantwoordelikheid vir die inhoud. Menings deur skrywers uitgespreek, is egter nie noodwendig die beleid of standpunt van die Hervormde Kerk nie.

Die tema van 2025 se Wêreldbiddag vir Vroue, “Ek het jou mooi gemaak”, is gebaseer op Psalm 139 met die opskrif *U omsluit my van alle kante*, waar gefokus word op die verhouding tussen God en die mens. Psalm 139: 14 (AFR83): *Ek wil U loof, want U het my op 'n wonderbaarlike wyse geskep. Wat U gedoen het, vervul my met verwondering.*

Hierdie gedeelte in Psalm 139 sluit aan by Genesis 1 en 2 se skeppingsverhaal waar die mens na God se beeld geskape is. Wanneer ons besef dat God ons wonderbaarlik en volmaak geskape het, skyn ons lig van binne, en sien ons ander mense ook as God se geliefde kinders.

Christenvroue, -mans en -kinders neem jaarliks deel aan die Wêreldbiddag vir Vroue. Hierdie wêreldwye ekumeniese beweging vind vanjaar plaas op Vrydag 7 Maart. Ongeveer 170 lande reël jaarliks samekomste om die tema op gepaste wyse op hierdie dag van gebed te vier.

2025 se Wêreldbiddag vir Vroue nooi ons almal uit om die wete dat God ons met liefde en sorg gemaak het, te omarm! Hierdie diepgaande waarheid moet ons uitstraal na buite sodat ander mense ook kan besef hoe waardevol hulle vir God is.

Die vroue van die Cook-eilande is gekies om 2025 se tema te bepaal en uit te beeld. Die Cook-eilande is 'n groep van 15 eilande in die suidelike deel van die Stille Oseaan in Polinesië, noordoos van Nieu-Seeland, en is deur die Engelse ontdekkingsreisiger, James Cook, ontdek met sy ekspedisie in 1773. Die hoofstad, Avarua, is geleë op die grootste eiland, Rarotonga, met hul nasionale leuse en volkslied getitel *God is die waarheid – Te Atua Mou E (Cook-eilandse Māori)*.

Die kunstenaars Tarani Napa and Tevairangi Napa van die Cook-eilande is 'n ma en dogter wat die kunswerk *Wonderfully made* gemaak het. Dit beeld hul liefde uit vir hul erfenis, geloof en huis. Volg die skakel [hier](#) vir die kunswerk.

Met die kunswerk beeld hulle die see uit met oorvloedige seelewe soos vis en swart pêrels wat hulle met die res van die wêreld verbind. Die hoë kokosneutpalms op elke eiland simboliseer standvastigheid, met goeie gesondheid en welstand.

Die *Tivaevae*-kwilts wat die vroue daar maak, beeld geduld, liefde en eenheid onder mekaar uit. Hulle eer God se liefde en genade vir die mensdom deur die hoede wat hulle kerk toe dra, gemaak van repe van die kokosneutpalms se jong *rito*-blare en geweef deur ervare, liefdevolle hande.

Hierdie vroue van die Cook-eilande dra graag tropiese blomme (*Tiare*) met 'n soet geur, gevleg in kranse wat op hul koppe gedra word. Hulle is dankbaar vir die Christendom wat 200 jaar gelede na hul eilande gekom het, want dit het hoop, vrede en lig gebring met die boodskap van Jesus Christus, ons Verlosser en Saligmaker.

Kia orana is die groet van die eilandbewoners van die Cook-eilande en dit beteken: *Mag jy lank lewe en mag jy goed lewe. Mag jy soos die son skyn. Mag jy met die golwe dans.*

Mag 2025 se tema, “**Ek het jou mooi gemaak**”, ons in aanbidding saambring om weer eens te besef ons waarde lê in die feit dat God ons gemaak het en ook vir ons gesterf het. Jou waarde word deur God bepaal – jy is kosbaar in sy oë. Sien jouself én ander deur sy liefdevolle oë.


Lief en leed

- Die volgende predikante verjaar tot 14 Maart 2025, en word hartlik geluk gewens:

- o Donderdag 6 Maart: Di M (Mariaan) Delport (46) (Erasmia), en WM (Elmien) Shaw (35) (Swartkop)
- o Vrydag 7 Maart: Drr AC (Carel) Botma (61) (emeritus), en DJ (Deon) du Toit (52) (Pierneef/dosent)
- o Sondag 9 Maart: Di JJH (Koos) Engelbrecht (75) (emeritus), en LJ (Louw) van der Linde (56) (Evander)
- o Maandag 10 Maart: Ds TF (Thomas) Dreyer (49) (Wapadrant)
- o Woensdag 12 Maart: Ds JJ (Jaco) Dreyer (65) (Bloemfontein)
- o Donderdag 13 Maart: Di LK (Lilian) Erasmus (35) (Wonderboom), en RJ (Rudi) Rust (66) (emeritus)



Prop Iwana Hartmann



Prop Drian Cockeran



Ds Jaco Dreyer



Ds Nardus Enslin

Gemeentes en bediening

- **Prop I (Iwana) Hartmann** (beroepafwagend) het 'n beroep na Pretoria-Oos (deelyds) ontvang. Sy het die beroep aanvaar en haar bevestiging vind Sondag, 9 Maart, plaas.
- **Prop D (Drian) Cockeran** (beroepafwagend) het die beroep na Bronkhorstspuit aanvaar.
- **Ds JJ (Jaco) Dreyer** Bloemfontein (voltyds) het die beroep na Bloemfontein (deelyds) aanvaar. Hy aanvaar einde Maart 2025 emeritaat.
- **Ds CB (Nardus) Enslin** (Rustenburg-Kloof) het die beroep na Ebenhaëser aangeneem. Sy bevestiging vind op 13 April 2025 plaas.
- **Gemeentes Vanderbijlpark en Rietspruit:** Vanderbijlpark vier op 18 Maart haar **75ste bestaansjaar**, terwyl Rietspruit op 20 Junie haar **60ste bestaansjaar** vier. Die twee gemeentes funksioneer geruime tyd al as een en gaan daarom hierdie genadeviering saam hou op 6 April 2025. Vorige predikante, lidmate en belangstellendes word uitgenooi na die feesgeleentheid. 'n Erediens met Nagmaal begin om 10:30 te Gemeente Vanderbijlpark. RSVP teen 21 Maart 2025 by nhkrietspruit@gmail.com of Lettie Bothma by 082 773 4741.
- **Trek jy Suid-Kaap toe?** Gemeentes Swellendam (nhkswellendam@gmail.com), Outeniqua (outeniqua@nhk.co.za), Mosselbaai (gertmalan@telkom.net) of Oudtshoorn (nhk.oudtshoorn@gmail.com) ontvang jou graag.
- **Gemeente Nigel se opgedateerde inligting is:**
 - o Sekretariële beampte: Mev CW (Wilna) de Fortier, 083 961 0917 / nhknigel@absamail.co.za / wdf@skipgonigel.co.za
 - o Kassier: Mev CW (Wilna) de Fortier, 083 961 0917 / nhknigel@absamail.co.za / wdf@skipgonigel.co.za

Vergaderings

- Donderdag 6 Maart: Kommissie van die AKV
- Vrydag 7 Maart: Kommissie van die AKV
- Dinsdag 11 Maart: Ouderlinge ontwikkelingsvergadering
Kuratorium
- Vrydag 14 Maart: Komitee vir Argief, Museum en Biblioteek

Werksgeleenthere

- **Pos as orrellis: Gemeente Kempton Park-Oos** se orrellispos is vakant. Belangstellendes kan asseblief vir ds Anneline Geyer kontak by 082 924 7344 of ds.anneline@gmail.com vir meer inligting en besonderhede rakende die pos.
- **Algemene Sekretaris:** Die **Wêreldgemeenskap van Gereformeerde Kerke (WCRC)** is opsoek na 'n toegewyde, deernisvolle en visioenêre leier om te dien as sy volgende Algemene Sekretaris. Die WCRC is 'n deelnemende en profetiese koinonia, verenig in 'n gemeenskap en geregtigheid met 'n wêreldwye gemeenskap van 100 miljoen Christene oor meer as 230 kerke in 107 lande. Kontak asseblief vir mev Karen Breedt by karen@nhk.co.za vir meer inligting.
- **Vertalingsbeampte:** Die **Bybelgenootskap van Suid-Afrika** het 'n vakante pos vir 'n vertalingsbeampte. Die suksesvolle kandidaat sal verantwoordelik wees vir toesig en ondersteuning van die werk van die Vertalingsdepartement. Hierdie rol is deurslaggewend in die versekering van die akkuraatheid, kwaliteit en tydige voltooiing van Bybelvertalingsprojekte. Kontak asseblief vir dr Gerhard Lindeque by lindeque@biblesociety.co.za vir meer inligting.

Kerklike en ander publikasies



- In die **Maart 2025-uitgawe van *Die Hervormer*** lig **dr Marina Kok-Pretorius** ons in oor die konsep van toekomsgeletterdheid (*Futures Literacy*). Sy wys ook dat die vaardighede wat opgedoen word deur toekomsstudies van onskatbare waarde vir die kerk kan wees. **Dr Johan van Staden**, redakteur, hervat die gesprek van twee jaar gelede oor geselsbotte. Hy ondersoek die vordering van kunsmatige intelligensie. Ons middelblad word gewy aan ons nuwe proponente en ons leer hulle van naderby ken. **Ds Carel Johann de Bruin** herinner ons aan die geliefde pienk *diakenspilletjies*. Bykomend tot die verspreiding van die gedrukte weergawe van *Die Hervormer*, word die artikels van elke uitgawe **op die Kerk se webblad** geplaas, en 'n **pdf-weergawe** word ook aan predikante en gemeentes beskikbaar gestel.



- Die jongste uitgawe van *Die Saaier* is [hier](#) beskikbaar. Een van die hoogtepunte in hierdie uitgawe is die **200-jarige herdenking van braille** – 'n uitvindsel van onskatbare waarde vir ons missie om die Bybel in verskillende formate beskikbaar te stel.

Hierdie kwartaal fokus ons ook op ons **Bybels vir gevangenes-projek**. Ons weet dat misdaad in ons land buite beheer is en dat die polisie, regstelsel en gevangenis onder groot druk funksioneer en nie optimaal toegerus is om hierdie uitdaging die hoof te bied nie. Daarbenewens is daar ook 'n magdom sosio-ekonomiese redes wat mense tot misdaad dwing. Binne hierdie konteks is dit duidelik dat die Evangelie die enigste ware transformasie kan bring,

Verder berig hierdie uitgawe van *Die Saaier* oor verskeie spesiale geleenthere waar Bybels en Bybelmateriaal aan leerders oorhandig is as deel van ons **Bybels vir graad 7-leerders-projek**. Dit is nog 'n manier om jong harte met die Woord van God te bereik en hul op die regte pad te lei.

Soos altyd bevat *Die Saaier* ook die **Gebedsgids** waarin ons vra vir voorbidding vir Bybelgenootskappe regoor die wêreld. Die belangrikheid van hierdie gebedsversoeke kan nie genoeg beklemtoon word nie. Ons weet dat wanneer die Liggaam van Christus saamstaan in gebed en die Here om hulp vra, Hy getrou is en 'n weg baan waar dit onmoontlik mag lyk. Dankie dat jy so toegewyd die werk van Bybelgenootskappe wêreldwyd in gebed opdra aan die Here.



R250

GESKIEDENIS VAN DIE HERVORMDE KERK 1824-2024

Ontdek die ryk geskiedenis van die Hervormde Kerk van 1824 tot 2024. Hierdie nuwe publikasie van prof Wim Dreyer bied 'n diepgaande blik op twee eeue van selfstandige kerkwees en die kragtige geloofsband tussen die Hervormde Kerk en die gedeelde geskiedenis van die Afrikaanse susterskerke.

'n Moet-lees vir elkeen wat belangstel in kerkgeskiedenis!

Beskikbaar by mev Sarie Roux by boekwinkel@nhk.co.za

- Die **Bybelse Dagboek/Almanak 2025** is beskikbaar by die Sinodale Dienssentrum se boekwinkel in Derdepoort. Bestellings kan steeds geplaas word by mev Sarie Roux, by boekwinkel@nhk.co.za.



Bybelse Dagboek / Almanak 2025

R200 (versending uitgesluit)

Kry belangrike inligting oor die Hervormde Kerk en 'n inspirerende Bybelse dagboek in een omslag

Bestel by boekwinkel@nhk.co.za

'n Gedig

Aswoensdag

uit die stof van aswoensdag
rys my siel op wolke van vreugde
verander my lied in blye lofprysing
traan my oë nie meer oor lyding
weet ek die oorwinning is seker
Hy het die dood reeds oorwin
aanstons is my stryd volstry
marsjeer ek saam met hul
al die Christen Stryders

Teárlach

Uit: www.ink.org.za/aswoensdag-2/

Fondsinsamelings

- **Oornagfasiliteite: Seniordal.** Seniordal beskik oor oornagfasiliteite vir persone wat vergaderings of kongresse moet bywoon, of wat dokters moet besoek, of verblyf benodig vir familie van persone wat in die hospitaal is. Daar is veilige parking en 24-uur-sekureit. **Vir navrae oor tariewe en vir besprekings**, kontak Salomie Stolz gedurende kantoorure 08:00-12:00 by 012 329 4318, of na ure by 083 308 0520.
- **Gemeente Kathu** vra **skenkings** vir hul basaar wat op **29 Maart** plaasvind. Kontak vir Johan Muller by 083 958 3405 vir meer inligting. Skenkings kan ook in hul bankrekening gemaak word. Bankbesonderhede: Absa, NHK-Kathu, rekeningnommer 4109126751, takkode 632005.

Toerusting



HTK e-leer kursus vir alle lidmate van die kerk

Tema: Doopkategese


Fooi: R100

Navrae: Ds Hannes van der Merwe
+27 82 575 1979
hannes@pretoriaaooos.com



Klik ***hier*** vir meer inligting.
Registreer: <https://winkel.hervormdeteologie.co.za/>

MODULES



- 1 My roeping - 'n Lewensreis
- 2 Liturgie van die doop
- 3 Geloofsvorming by die huis
- 4 Ek deur God se oë
- 5 Die eerste dae van jou kindjie se lewe

- **Versorgeropleiding:** Is jy Afrikaans met jou eie vervoer en akkommodasie en 'n besondere liefde en omgee vir jou medemens? Registreer vir die versorgeropleiding wat aangebied word deur die opleidingsinstituut van Solidariteit en gemeentes van die NHKA. Die opleidingskursus duur ses maande en vind by die **Solidariteit Helpende Hand Opleidingsinstituut** in Garsfontein, Pretoria plaas. Die kursus fokus op bejaardes, persone met gestremdhede, asook versorging vir persone wat operasies ondergaan het. Kandidate word toegerus met die nodige vaardighede en kundigheid om gereeld met gemeentes en instansies te skakel en dienste teen billike vergoeding aan te bied. Indien jy belangstel skakel gerus vir Helpende Hand by 012 111 8360 of besoek die webtuiste ***hier*** of kontak **kantoor@kerkteendieberg.co.za** of 081 000 5818.



Departement van Teologie
in samewerking met die



NHKA
NEDERDUTSCH HERVORMDE KERK VAN AFRIKA

Diploma in Bediening Deeltydse studies

Ten volle geakkrediteerde kwalifikasie: NQF Vlak 6
SAQA ID: 96454; aantal krediete 379; 5 jaar deeltyds



Toelatingsvereistes
Nasionale Senior Sertifikaat met toegang tot diplomastudies, of gelykwaardige kwalifikasie

“Hierdie kwalifikasie is veral geskik om lidmate, kerkraadslede en kategete toe te rus vir dienswerk binne en buite die kerk.”

Inskrywings vir Februarie 2025 kan nou gedoen word.

Maak 'n verskil in die Koninkryk van God

Navrae: Dr Deon du Toit
E-pos: ministry@skillspro.co.za
Selnommer: 082 894 5751

Studentesake

- Ons besef hoe belangrik dit is om te voel dat jy iewers aan 'n geloofsgemeenskap behoort. Om weg van jou ouerhuis 'n geestelike tuiste te vind, kan 'n uitdaging wees. Ons wil graag van diens wees.

Studeer jy by enige van hierdie instansies?

- o Akademia
- o Centurion Akademie
- o Sol-Tech
- o Stadio

As jy in die Centurion-omgewing woon, wil ons jou bewus maak van die geestelike versorging wat ons gemeente aan studente bied. Ons bedien die volgende woonareas:

- o Lyttelton
- o Kloofsig
- o Monumentpark
- o Doringkloof
- o Irene
- o Die Hoewes
- o Highveld

Ons wil graag 'n geestelike tuiste aan alle studente in ons omgewing bied. Ons kan selfs vervoer na ons gemeentebyeenkomste reël. Indien jy meer inligting benodig, kontak gerus vir ds Lisa-Mari (083 943 4561) of vir Maryna (012 664 2044 tydens kantoorure).

- **Studentebehuising. Gemeente Stellenbosch** kan veilige behuising op die kerkterrein en op die kampus aan studente verskaf. Dit bestaan uit óf enkelkamers met gedeelde fasiliteite, óf eenmenswoonstelle. Skakel dr Chris le Roux by 079 495 3239 of stuur 'n e-pos na stellenbosch@nhk.co.za vir meer inligting.
- **Studentebehuising. Gemeente Philadelphia** verskaf aan studente veilige behuising by Fleur de Lis op die kerkterrein. Dit bestaan uit enkelkamers met gedeelde fasiliteite. Die behuising is binne stapafstand van die kampus en winkelsentrums. Skakel dr Sanrie de Beer by 083 226 1866 of stuur 'n e-pos na nhkphiladelphia@gmail.com vir meer inligting.

Barmhartigheid

- **Louis Trichardt-behuisingskompleks vir bejaardes** in Danville, Pretoria, bied kamergeriewe met twee etes per dag teen R3 850 per maand. Vir meer inligting, kontak mev Yvonne Willemse of matrone Jenny Wesson by 012 386 5310.
- **Ons Tuis (Andries Marié Oosthuizen) in Parys** het plek beskikbaar in die tehuise vir versorging van verswakte bejaardes teen R9 760 per maand. 'n Volledige versorgingsfasiliteit sluit in 24-uur-versorging, drie maaltye per dag en sekuriteit. Behuisingsfasiliteite teen R5 990 per maand is ook beskikbaar op dieselfde perseel; dit sluit drie etes en weeklikse wasgoed en skoonmaak van kamers in asook gratis deelname aan sosiale programme. Vir meer besonderhede, skakel matrone Teresa Broodryk by 056 811 2185.
- **Seniordal-aftreeoord** is die eiendom van die NHKA se **Gemeente Pretoria** en spesialiseer in lewensregverkope en verhuring aan selfversorgende persone ouer as 55 jaar. Die oord is geleë in die veilige omgewing van Rietondale in Pretoria. Seniordal beskik oor 24-uur-veiligheidsdienste en toegangsbeheer, en bestaan uit die volgende woonstelle:
 - o Eenslaapkamer: R515 000
 - o 1½-slaapkamer: R520 000
 - o Tweeslaapkamer: R560 000

Kontak Salomie Stolz by 012 329 4313 (08:00-12:00) of 083 308 0520 (na-ure) vir meer inligting.

- **Herfsakker Selfsorg-aftreeoord in Groblersdal:** Behuising beskikbaar vir persone ouer as 60. Geen versorging beskikbaar nie, persone moet selfversorgend wees. Geen etes word voorsien nie. Eie tuin. Tariewe is per vierkante meter en verskil van huis tot huis. 'n Deposito van twee maande huur is betaalbaar. Vir meer besonderhede, skakel Frik Rossouw by 082 830 6591.
- **Belfast Rusoord** bied onder meer 24-uur mediese versorging, CCTV, 24-uur-toegangsbeheer, drie gebalanseerde maaltye per dag, en aktiwiteite vir elkeen. Daar is fasiliteite vir semiversorging, verswakte bejaardes, en woonstelle vir selfversorging. Kontak Riana de Villiers by 013 253 31211 / 063 663 7449 / manager@belfastrusoord.co.za vir meer inligting en tariewe.
- **Athalia Uitrek in Bloemfontein** bied verblyf vir en versorging van bejaardes en persone met gestremdhede. Daar is enkel- en deulkamergeriewe in 'n huislike atmosfeer, verblyf met drie etes ingesluit, verblyf sonder versorging, en 24-uur-versorging. Navrae: 079 826 6363 / 084 023 0315 / 051 522 6089 / navrae@athalia.co.za / www.athalia.co.za.

Betaalde advertensies in hierdie nuusbrieff

Advertensies waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in hierdie nuusbrieff geplaas word. (*Tekskennisgewings van gemeentes is gratis.*) Indien 'n jpg-weergawe van die advertensie voorsien word, moet dit 15,5 cm breed x 6,5 cm hoog wees, resoluë 1878 x 815 pixels, 150-300 dpi.

Stuur die voorgestelde **teks van nie meer nie as 75 woorde** met of sonder eenvoudige grafika of 'n foto saam met die bewys van betaling aan **mej Sanet du Plessis**, per e-pos na taal@nhk.co.za. GEEN advertensie sal geplaas word sonder die betalingsbewys nie.

Die **teks en bewys van betaling** moet mej Du Plessis bereik teen 16:00 op die Maandag voor die betrokke uitgawe se verskyning. *Blitspos* word normaalweg die Woensdagoggend afgehandel en teen die middag op die webblad gelaai. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge.

Die koste is R250 per plasing (BTW ingesluit). Die verskuldigde bedrag moet uitgemaak word aan die Raad van Finansies, ABSA tjekrekening nommer 020-000-287, takkode 632-005, verwysing: u naam + **Blitspos**. **Neem kennis dat die redaksie in uitsonderlike gevalle mag besluit om 'n advertensie nie te plaas nie en die adverteerder se geld terug te betaal.**

Gebed vir die week

Wees my genadig, o God, in u troue liefde,
wis my oortredings uit in u groot barmhartigheid!
Was my skoon van my skuld, reinig my van my sonde!
Ja, my oortredings ken ek
en van my sonde bly ek altyd bewus.
Teen U alleen het ek gesondig,
ek het gedoen wat verkeerd is in u oë.
U uitspraak is dus reg en u oordeel regverdig.
Ek was al skuldig toe ek gebore is,
met sonde belaaï toe my moeder swanger geword het.
Maar U verwag opregtheid diep in 'n mens se hart:
laat ek dan diep in my binneste weet
hoe U wil dat ek moet lewe.
Neem tog my sonde weg dat ek rein kan wees,
was my dat ek witter as sneeu kan wees.
Laat my weer blydschap en vreugde belewe.
U het my verbrysel; laat my weer jubel.
Moet tog nie ag slaan op my sondes nie,
wis al my skuld uit!
Skep vir my 'n rein hart, o God,
vernuwe my gees en maak my standvastig.
Moet my tog nie van U af wegdryf
en u Heilige Gees van my af wegneem nie!
Laat my weer die blydschap ervaar
van iemand wat deur U verlos is,
laat my U weer met toewyding dien.

Amen.

Psalm 51: 3-14 (1983-vertaling)

